

INFORME DE DESEMPEÑO AMBIENTAL

PERÍODO DE XANEIRO A DECEMBRO DE 2025

ÍNDICE

1. INTRODUCCIÓN	3
2. ALCANCE DO SISTEMA DE XESTIÓN AMBIENTAL.....	4
3. POLÍTICA AMBIENTAL.....	5
4. ASPECTOS AMBIENTAIS.....	6
5. DESEMPEÑO AMBIENTAL	8
5.1. CONSUMO DE RECURSOS NATURAIS.....	8
5.2. EMISIÓN Á ATMOSFERA	10
5.3. XERACIÓN DE RESIDUOS.....	10
6. PROGRAMAS DE MELLORA.....	11
7. MELLORES PRÁCTICAS DE XESTIÓN AMBIENTAL	12

1. INTRODUCCIÓN

A Deputación de Pontevedra integra a sostibilidade de xeito transversal nas súas políticas como medida para facerlle fronte ao reto do cambio climático; unha das actuacións clave é a implantación dun sistema de xestión ambiental de acordo cos requisitos establecidos na norma UNE-EN ISO 14001:2015.

O obxecto deste informe é facilitarlles ás partes interesadas información relativa ao desempeño ambiental durante o ano 2025.

Súmate a este gran reto apaixonante no que está en xogo o futuro do planeta e o noso benestar.

2. ALCANCE DO SISTEMA DE XESTIÓN AMBIENTAL



Todas as actividades dos servizos da Deputación de Pontevedra realizadas no centro de traballo situado no Pazo provincial (avenida de Montero Ríos, s/n, 36071 Pontevedra).



3. POLÍTICA AMBIENTAL

Para facerlle fronte ao reto do cambio climático, a Deputación de Pontevedra integra a sostibilidade de xeito transversal nas súas políticas. Este compromiso materialízase na implantación dun sistema de xestión ambiental conforme á norma ISO 14001, que actúa como ferramenta clave para reducir a nosa pegada ambiental e no que se inclúe a totalidade dos servizos realizados neste centro: Arquitectura; Asesoría Xurídica; Comunicación Institucional; Contratación, Facenda e Patrimonio; Cultura; Deportes; Intervención; Medio Ambiente; Normalización Lingüística e Servizos Lingüísticos; Prevención de Riscos Laborais; Recursos Humanos e Formación; Secretaría Xeral; e Tesourería.

O sistema de xestión implantado demostra o compromiso da Deputación de Pontevedra coa mellora continua do comportamento ambiental e segundo os seguintes principios:

- Garantir o cumprimento dos requisitos legais e doutros que a institución subscriba no relativo á xestión ambiental.
- Sensibilizar e formar permanentemente o persoal e motivalo a que se sume a este desafío imparabile no que todas e todos somos necesarios.
- Protexer o medio:
 - o Minimizando o impacto ambiental dos nosos servizos:
 - Cun uso sostible dos recursos.
 - Coa redución das emisións atmosféricas.
 - Mediante a segregación en orixe dos residuos xerados.
 - o Comprometéndose coa prevención da contaminación.
- Establecer obxectivos e accións de mellora alcanzables e dotar os servizos dos medios e recursos necesarios para conseguilos.

A Presidencia da Deputación de Pontevedra comprométese a desenvolver os compromisos fixados nesta política e no propio sistema de xestión ambiental.

Pontevedra, 22 de abril de 2026

4. ASPECTOS AMBIENTAIS

Identificáronse os aspectos ambientais derivados das actividades dos servizos da Deputación de Pontevedra incluídos no alcance do sistema de xestión ambiental, e tamén aqueles asociados a posibles situacións de emerxencia, desde unha perspectiva do ciclo de vida:

- Aspectos directos: xerados polas actividades sobre as que se ten capacidade de control de xestión.
- Aspectos indirectos: producidos como consecuencia das actividades sobre as que non se ten pleno control de xestión.

Os aspectos ambientais identificados avalíanse para determinar cales son significativos; a continuación, indícanse os que foron significativos na avaliación realizada correspondente á anualidade 2025:

ASPECTOS AMBIENTAIS DIRECTOS			
CONSUMO DE RECURSOS NATURAIS			
● Consumo de auga	● Consumo de auga de pozo	● Enerxía eléctrica	
● Combustible de calefacción	● Combustible de vehículos, maquinaria e equipos		
XERACIÓN DE RESIDUOS NON PERIGOSOS			
● Orgánicos	● Envases		
EMISIÓN			
● Emisións á atmosfera: calefacción	● Emisións derivadas do consumo de enerxía eléctrica		
ASPECTOS AMBIENTAIS INDIRECTOS			
REDACCIÓN DE PROXECTOS TÉCNICOS E DIRECCIÓN DE OBRA			
● Consumo de auga	● Consumo de electricidade	● Consumo de combustible	
● Consumo de materias primas	● Residuos de construción e demolición	● Residuos industriais non perigosos	
● Residuos industriais perigosos			
Impacto ambiental:			
● Esgotamento de recursos	● Contaminación de augas e solos	● Contaminación atmosférica	● Contaminación de augas

Dos aspectos ambientais significativos, establecéronse accións de mellora relacionadas coas emisións derivadas do consumo de enerxía eléctrica.

Para garantir un comportamento ambiental correcto e dispoñer de información actualizada sobre o noso desempeño, o Comité de Xestión Ambiental controla os diferentes aspectos identificados a través de instrucións de control operacional e indicadores de seguimento ambiental, que son analizados periodicamente para detectar a necesidade de realizar correccións ou implantar accións de mellora.

No relativo aos aspectos ambientais asociados a situacións de emerxencia, definimos as medidas de prevención e actuación, que se lle distribúen a todo o persoal do Pazo provincial a través da *Guía de boas prácticas ambientais no Pazo provincial da Deputación de Pontevedra*. Ademais, avaliamos as actuacións propostas a través dunha comprobación anual.



En relación cos aspectos ambientais asociados ao ciclo de vida sobre os que a Deputación de Pontevedra ten capacidade de influencia, establecemos accións encamiñadas a sensibilizar as distintas partes interesadas e a facelas partícipes do noso compromiso coa protección do medio.

<p>Mantemento dos xardíns dos edificios pertencentes á Deputación de Pontevedra</p> <p>Mantemento dos campos de fútbol naturais e sintéticos para a actividade deportiva</p> <p>Servizos de conservación dos xardíns, arboredo e explotación vitivinícola, frutícola e forestal do predio do castelo de Soutomaio</p>	<p>Comunicación de boas prácticas ambientais aplicables á súa actividade</p>
<p>Mantemento dos vehículos, da maquinaria e dos equipos en obradoiros externos</p>	<p>Comunicación de boas prácticas ambientais aplicables á súa actividade</p>
<p>Limpeza das instalacións do Pazo provincial</p>	<p>Comunicación de boas prácticas ambientais aplicables á súa actividade</p> <p>Establecemento de requisitos ambientais na contratación do servizo</p>
<p>Obras e mantemento das instalacións e dos equipos do Pazo provincial</p>	<p>Comunicación de boas prácticas ambientais aplicables á súa actividade</p> <p>Establecemento de requisitos ambientais na contratación do servizo</p>
<p>Compras e aprovisionamento</p>	<p>Establecemento de requisitos ambientais na contratación do servizo</p>
<p>Redacción de proxectos técnicos e direccións de obra</p>	<p>Establecemento de requisitos ambientais na contratación do servizo</p>
<p>Eventos públicos promovidos pola Deputación de Pontevedra</p>	<p>Comunicación de boas prácticas ambientais aplicables á súa actividade</p> <p>Establecemento de requisitos ambientais na contratación do servizo</p>
<p>Persoas usuarias das instalacións do Pazo provincial</p>	<p>Comunicación de boas prácticas ambientais</p>
<p>Servizo de laboratorio e explotación gandeira de Mouriscade</p>	<p>Comunicación de boas prácticas ambientais aplicables á súa actividade</p>
<p>Xestión do territorio, atención e asesoramento aos concellos e á cidadanía</p>	<p>Plans e programas nos que se fixan obxectivos concretos</p>

5. DESEMPEÑO AMBIENTAL


A continuación, móstrase a evolución dos aspectos ambientais máis relevantes da nosa actividade nos catro últimos exercicios, co obxecto de analizar a súa tendencia e dispoñer de información para formular posibles obxectivos ou accións de mellora.

5.1. Consumo de recursos naturais



Para o consumo de auga e de enerxía eléctrica decláranse os datos comparativos das anualidades de 2022, 2023, 2024 e 2025. Aínda que existe un pequeno aumento no ano 2024 non significativo, a tendencia no consumo tanto de auga coma de enerxía eléctrica segue sendo á baixa; polo tanto, mantense a mellora en comparación co ano 2022.


Fronte aos indicadores de comportamento ambiental⁽¹⁾, no 2025 o consumo de auga de abastecemento no Pazo provincial foi inferior ao parámetro comparativo de excelencia (6,4 m³/empregada/o).



En relación co consumo de papel, despois da comparativa co ano 2022 queda patente a gran diminución e mantense a tendencia na mellora.

Fronte aos indicadores de comportamento ambiental⁽¹⁾, no 2025 o consumo de papel no Pazo provincial é inferior ao parámetro comparativo de excelencia (15 follas/empregada/o).


(1) Decisión (UE) 2019/61 da Comisión, de 19 de decembro de 2018, relativa ao documento de referencia sectorial sobre as mellores prácticas de xestión ambiental, os indicadores sectoriais de comportamento ambiental e os parámetros comparativos de excelencia para o sector da Administración pública no marco do Regulamento (CE) núm. 1221/2009, relativo á participación voluntaria de organizacións nun sistema comunitario de xestión e auditoría ambientais (EMAS).



No marco da mellora continua, ao longo destes anos fixéronse melloras nas instalacións co fin de diminuír a dependencia enerxética destas; como resultado destas melloras, pódese observar unha tendencia positiva na diminución do global da enerxía consumida (eléctrica e térmica).

No cálculo do consumo de combustible inclúese o combustible de calefacción e o combustible dos vehículos e da maquinaria. Para este último, o cálculo realízase considerando o seguinte:

- Os vehículos do Parque Móbil da Deputación de Pontevedra, xa que estes son os que contribúen en maior medida ao consumo.
- Os vehículos particulares do persoal da Deputación de Pontevedra utilizados nos desprazamentos.
- A maquinaria e os equipos utilizados para o mantemento dos xardíns dos edificios pertencentes á Deputación de Pontevedra; dos campos de fútbol naturais e sintéticos para a actividade deportiva; dos servizos de conservación dos xardíns, do arboredo e da explotación vitivinícola, frutícola e forestal do predio do castelo de Soutomaior; e do servizo de laboratorio e explotación gandeira de Mouriscade.




Nos períodos declarados, en comparación co ano 2022, de maneira xeral obsérvase unha tendencia a reducir o consumo de combustible.

Ao desagregar os datos, en relación co consumo de combustible de vehículos e maquinaria, a maior porcentaxe procede do Parque Móbil.

5.2. Emisións á atmosfera

A partir dos datos de consumo de combustible calcúlanse as emisións anuais totais de gases de efecto invernadoiro xerados polo uso das instalacións do Pazo provincial e de vehículos e maquinaria.




As emisións están directamente relacionadas co consumo; é por iso que o ano 2025 reflicte un aumento nas emisións derivado principalmente do incremento no consumo de combustible de calefacción, pois no ano 2024 só se levou a cabo unha das dúas recargas do depósito de combustible previstas, motivo polo cal, no ano 2025, ao normalizar a situación, o consumo se duplicou.

Aínda así, exceptuando casuísticas puntuais, como resultado das melloras implantadas nestes anos no Pazo provincial, mantense a tendencia na redución destas emisións.

5.3. Xeración de residuos

Ao longo de 2025, as principais fraccións de residuos con segregación en orixe, para as que se fai unha estimación das cantidades xeradas, son as seguintes:



A xestión dos residuos indicados realízase a través dos correspondentes xestores de residuos autorizados.

Tal e como se pode observar, a xeración de residuos de papel e cartón representa a maior porcentaxe dos residuos producidos.

Fronte aos indicadores de comportamento ambiental⁽²⁾, en 2025, e segundo os datos representados na gráfica anterior, coma os residuos propios de oficinas, a xeración no Pazo provincial é superior ao parámetro comparativo de excelencia (200 kg/empregada/o).

(2) Decisión (UE) 2019/61 da Comisión, de 19 de decembro de 2018, relativa ao documento de referencia sectorial sobre as mellores prácticas de xestión ambiental, os indicadores sectoriais de comportamento ambiental e os parámetros comparativos de excelencia para o sector da Administración pública no marco do Regulamento (CE) núm. 1221/2009, relativo á participación voluntaria de organizacións nun sistema comunitario de xestión e auditoría ambientais (EMAS).

6. PROGRAMAS DE MELLORA

En coherencia co noso compromiso de mellora continua do desempeño ambiental, definimos periodicamente plans de acción de mellora, que se establecen segundo os aspectos ambientais que resultaron significativos e os riscos e as oportunidades identificados, co fin de minimizar o impacto ambiental derivado das nosas actividades.

Para o ano 2026 fíxase como obxectivo a redución dun 5 % do consumo de enerxía térmica e eléctrica nas instalacións do Pazo provincial e planifícanse accións de mellora relacionadas coa implantación da Sede electrónica.

7. MELLORES PRÁCTICAS DE XESTIÓN AMBIENTAL

Subvencións

Confrarías pesqueiras, federación de confrarías e agrupacións de mariscadoras da provincia de Pontevedra

Proxectos e actuacións que teñan como obxecto a comercialización e a valorización das producións, a formación técnica e o asesoramento para o desenvolvemento da actividade das confrarías e da federación de confrarías, a divulgación e posta en uso das novas tecnoloxías, as enerxías renovables e o aforro enerxético, o material para a vixilancia das producións, e os investimentos para mellorar os servizos prestados

Cooperativas agrogandeiras da provincia de Pontevedra

Accións que apoien as entidades agrogandeiras en proxectos destinados a recuperar e poñer en valor os recursos agrarios endóxenos de carácter agrícola e gandeiro que teñan como obxecto a comercialización, transformación e valorización das producións; a formación técnica e o asesoramento para o desenvolvemento de proxectos de investigación e innovación tecnolóxica; a posta en uso das novas tecnoloxías; as enerxías renovables e o aforro enerxético; e investimentos para mellorar os servizos prestados pola cooperativa

Convenios

Convenio entre a Deputación de Pontevedra e a Axencia Estatal Consello Superior de Investigacións Científicas, M. P. (Misión Biolóxica de Galicia) para instrumentar unha subvención destinada á creación dunha unidade de valorización na Misión Biolóxica de Galicia que poña en valor os resultados de investigación ligados ás boas prácticas no ámbito ambiental da provincia de Pontevedra

Promoción da valorización do coñecemento xerado polas investigacións da Misión Biolóxica de Galicia, con énfase na sostibilidade ambiental, de modo que se contribúa a adoptar prácticas máis sostibles e responsables nos sectores agrícola, forestal e alimentario da provincia de Pontevedra

Convenio de colaboración entre a Deputación de Pontevedra e a Universidade de Vigo de cara á regulación da convocatoria de axudas para o desenvolvemento de proxectos promovidos por persoal investigador dos campus de Vigo e Pontevedra en 2025

Regulación da convocatoria de axudas para o desenvolvemento de proxectos promovidos polo persoal investigador da Universidade de Vigo, en concreto dos campus de Vigo e Pontevedra durante o 2025, entre cuxas liñas de investigación se atopa a descontaminación de augas, o control de contaminantes ou a mellora ambiental do consumo de enerxía eléctrica e de auga

Convenio entre a Deputación de Pontevedra e a Asociación Agraria de Galicia de cara á realización dunha campaña de asesoramento e divulgación para a transformación dixital do sector agrario e a adquisición de competencias dixitais na provincia de Pontevedra	Campaña de asesoramento e divulgación para contribuír á transformación dixital efectiva do sector agrario da provincia de Pontevedra a través da posta en marcha dunha campaña estruturada de formación, asesoramento técnico e acompañamento individualizado, centrada na adquisición, no uso e na consolidación de competencias dixitais aplicadas á realidade produtiva rural
Convenio entre Deputación de Pontevedra e Unión Leiteira Galega (ULEGA) de cara á realización dunha campaña de formación e divulgación sobre as ferramentas para a xestión operativa e dixital na provincia de Pontevedra	Dotar as explotacións gandeiras de ferramentas prácticas para mellorar a súa xestión operativa e avanzar cara a un funcionamento máis autónomo e eficiente, tanto a nivel organizativo coma tecnolóxico, para darlle resposta á necesidade dunha capacitación técnica orientada á práctica e ofrecer apoio concreto e realista para mellorar a estabilidade, a rendibilidade e a capacidade de resposta das granxas da provincia de Pontevedra
Convenio de colaboración entre a Deputación de Pontevedra e o Consello Regulador Denominación de Orixe Protexida do Mexillón de Galicia para levar a cabo a dixitalización de arquivo e procesos de xestión documental do propio Consello Regulador	Dixitalización de arquivo e procesos de xestión documental do propio Consello Regulador, para garantir a preservación da documentación, reducir a súa deterioración e perda e permitir un acceso máis sinxelo
Convenio entre a Deputación de Pontevedra e a Federación Provincial de Confrarías de Pescadores de Pontevedra para o desenvolvemento de xornadas presenciais divulgativas e formativas sobre os riscos psicosociais no sector pesqueiro na provincia de Pontevedra	Xornadas presenciais divulgativas e formativas sobre os riscos psicosociais no sector pesqueiro na provincia de Pontevedra

Proxectos

“Biocosteiro”. Conservación da biodiversidade en hábitats costeiros galego-portugueses da Rede Natura 2000 para promover e lograr un desenvolvemento equilibrado e sostible das economías locais

Este proxecto ten por obxecto mellorar a conservación de hábitats costeiros e hábitats de interese comunitario, principalmente da Rede Natura 2000, e especies asociadas na franxa marítimo-terrestre do espazo transfronteirizo que comprende a provincia de Pontevedra (Galicia- España) e Viana do Castelo (Portugal), ademais de reducir a presenza de especies exóticas invasoras, realizar accións de sensibilización dirixidas a escolares e á sociedade en xeral, e promover e poñer en marcha un novo modelo de xestión turística responsable e sostible

“+Rías”. A importancia da sostibilidade ambiental e socioeconómica das Rías Baixas como motor da economía azul na contorna de Rede Natura 2000

O obxectivo xeral deste proxecto é aumentar, a través dun enfoque integrador e participativo, a sensibilización ambiental e fomentar a conciencia ecolóxica entre as e os profesionais do mar, a poboación infantil e a sociedade en xeral con respecto aos impactos da actividade do ser humano no medio costeiro e mariño, así como transmitir a importancia da protección e conservación da biodiversidade e dos ecosistemas mariños e, en particular, en espazos protexidos, poñendo en valor os produtos do mar locais e sostibles

Programas e actuacións

“Voando nas Rías Baixas”

Sensibilización da poboación da provincia sobre os nosos recursos culturais e naturais, en especial, sobre a riqueza ornitolóxica, a través de cinco rutas para observar aves (Reserva Ornitolóxica-Complexo Intermareal Umia-O Grove, A Foz da Ramallosa, ribeiras do río Umia, Brañas de Xestoso, praia da Lanzada, esteiro do Miño e enseada de San Simón) coordinadas pola asociación SEO/Birdlife

“+Bosques”

Este programa baséase na terapia de *shinrin ioku* ou baño de bosque, técnica orixinaria do Xapón que consiste en internarse na natureza para relaxar a mente e reducir o nivel de tensión. Presenta sete percorridos por sete espazos naturais, cada un cun enfoque distinto segundo as súas características e os valores sobre os que xirará toda a actividade, sempre buscando a participación e a integración das persoas desde o primeiro momento, co obxectivo de promover un estilo de vida saudable e poñer en valor o patrimonio natural e cultural da provincia de Pontevedra
